



Na osnovu člana 5.30 Izbornog zakona Bosne i Hercegovine ("Službeni glasnik BiH", broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 50/07 i 33/09), **odlučujući o zahtjevu grupe od 55 birača za ponovno brojanje glasačkih listića na biračkom mjestu 077A017 u osnovnoj izornoj jedinici Zavidovići**, Centralna izborna komisija Bosne i Hercegovine je na 74. sjednici održanoj 24.10.2012. godine **d o n i j e l a**

ZAKLJUČAK

Odbacuje se zahtjev grupe od 55 birača, Zukić Seada, Zukić Nahide, Zukić Minele, Kapetanović Saliha, Imširović Remzije, Imširović Taiba, Imširović Alije, Imširović Ibrahima, Imširović Fatime, Imširović Sabine, Imširović Senudina, Karanović Muhameda, Karanović Šehzije, Zukić Avda, Zukić Ramze, Zukić Romajane, Selimović Izudina, Selimović Mirele, Selimović Ibrahima, Selimović Hanife, Huskić Alena, Huskić Nade, Huskić Sanela, Huskić Mehmeda, Zukić Nedžada, Zukić Esida, Zukić Rasima, Kapetanović Ibrahima, Zukić Alme, Kapetanović Aide, Mostarlić Anela, Avdić Arnele, Selimović Emine, Selimović Zahide, Selimović Elmira, Selimović Omera, Mostarlić Fate, Kapetanović Fatke, Kapetanović Zaima, Zukić Mirsada, Mujdžić Mustafe, Mujdžić fate, Mujdžić Ramiza, Mujdžić Behije, Kapetanović Senada, Kapetanović Adisa, Zukić Arnela, Zukić Amre, Jalmanović Azre, Zalmanović Azemine, Šegić Melisa, Huskić Zinete, Selimović Amire, javrić Senada i Javrić Enise, za ponovno brojanje glasačkih listića na biračkom mjestu 077A017 u osnovnoj izornoj jedinici Zavidovići, jer ne ispunjava uslove iz člana 5.30 stav (4) tačka 2), 3) i 4) Izbornog zakona BiH.

Obrazloženje

Podnosilac zahtjeva u propisanom roku podnio je dana 23.10.2010. godine, Centralnoj izornoj komisiji Bosne i Hercegovine zahtjev za ponovno brojanje glasačkih listića na na biračkom mjestu 077A017 u osnovnoj izornoj jedinici Zavidovići.

Podnosilac zahtjeva u zahtjevu navodi, da je biračkom mjestu 077A017 povrijeđena odredba člana 2.1 stav (2) Izbornog zakona BiH, koji glasi: Izborne komisije i birački odbori nezavisni su i nepristrasni u svom radu i člana 2.20 stav (1) Izbrnog zakona BiH koji glasi: Birački odbor neposredno rukovodi radom biračkog mjesta, osigurava pravilnost i tajnost glasanja i evidentira rezultate glasanja na biračkom mjestu. Dalje navode, da je kršenjem neavedenih odredbi i pristrasnim radom biračkih odbora promjenjen je volja glasača na navedenim biračkim mjestima. Smatraju da je na navedenim biračkim mjestima neispravno brojano cca glasačkih listića. Dalje navode, da postoji osnovana sumnja da ovakav rad i rezultati sa biračkog mjesta direktno utiču na dodjelu mandata u Općinskom vijeću Zavidovići.

Član 5.30. stav (4) Izbornog zakona Bosne i Hercegovine propisuje da Centralna izborna komisija BiH može razmatrati zahtjev za ponovno brojanje glasačkih listića, ako su ispunjeni sljedeći uslovi:

- 1) da je zahtjev podnesen u pisanoj formi i da ga je potpisao akreditirani posmatrač, grupa od 50 ili više birača koji su glasali na istom biračkom mjestu, nezavisni kandidat, predsjednik političke stranke, nosilac liste nezavisnih kandidata ili bilo koji od predsjednika političkih stranaka koje su formirale koaliciju, ili općinska izborna komisija;
- 2) da su u zahtjevu tačno navedene činjenice koje opravdavaju ponovno brojanje, uključujući članove ovog zakona koji nisu poštovani ili su prekršeni;
- 3) da je u zahtjevu naveden približan broj glasačkih listića za koje se vjeruje da nisu ispravni;
- 4) da je u zahtjevu navedeno kako bi ova povreda zakona utjecala na izborne rezultate.

Ispitujući zahtjev, Centralna izborna komisija BiH je utvrdila da zahtjev za ponovno brojanje nije potpun, jer ne sadrži sve elemente, u smislu člana 5.30 stav (4) tačka 2), 3) i 4) Izbornog zakona BiH.

Razmatrajući predmetni zahtjev, Centralna izborna komisija BiH je utvrdila da podnosioci zahtjeva nisu naveli tačno navedene činjenice koje opravdavaju ponovno brojanje i da u zahtjevu nije naveden približan broj glasačkih listića za koje se vjeruje da nisu ispravni. Isto tako, podnosioci zahtjeva ničim ne dokazuju da je na biračkim mjestima učinjena povreda odredaba Izbornog zakona BiH na koje se u zahtjevima pozivaju i kako bi ta povreda uticala na izborne rezultate. Navod podnosioca zahtjeva, da postoji osnovana sumnja da ovakav rad i rezultati sa biračkog mjesta direktno utiču na dodjelu mandata u Općinskom vijeću Zavidovići su paušalni i proizvoljni i ne upućuju na konkretnu činjenicu za koju bi se izvršila provjera i cijnila njena osnovanost.

I pored toga što podnosilac prigovora nije dostavio dokaze za svoje navode o neregularnosti u radu biračkog odbora, Centralna izborna komisija Bosne i Hercegovine je izvršila uvid u Zapisnik o radu biračkog odbora sa biračkog mjesta 077A017 u osnovnoj izornoj jedinici Zavidovići i utvrdila da u obrascima Z7 (obrazac predviđen za unošenje primjedbi i mišljenja člana biračkog odbora, birača i akreditiranog posmatarača) nisu evidentirane nikakve primjedbe ili mišljenja od člana biračkog odbora, birača ili akreditiranog posmatarača o nepravilnostima koje bi mogle uticati na izborne rezultate.

Centralna izborna komisija Bosne i Hercegovine je ovaj zahtjev razmatrala i u smislu odredbe člana 5.30 stav (5) Izbornog zakona BiH i ocijenila da nema elemenata da naredi ponovno brojanje glasačkih listića po službenoj dužnosti.

Shodno izloženom i činjenici da u zahtjevu nisu navedeni elementi precizirani tačkama 2) 3) i 4) člana 5.30 Izbornog zakona BiH, Centralna izborna komisija Bosne i Hercegovine je odlučila kao u dispozitivu ovog zaključka.

Pravna pouka: Protiv ovog zaključka u skladu sa članom 6.9 stav (1) i (2) Izbornog zakona Bosne i Hercegovine može se podnijeti žalba Apelacionom odjelu Suda Bosne i Hercegovine u roku od dva dana od dana prijema ovog zaključka, koji se dostavlja putem faks aparata. Žalba se podnosi preko Centralne izborne komisije BiH i dostavlja se putem faks aparata, na broj: 033/ 251-329 ili neposredno u sjedištu Centralne izborne komisije BiH, ulica Danijela Ozme 7 Sarajevo.

Broj: 05-1-07-1-1123/12
Sarajevo, 24.10.2012. godine



Predsjednik

Branko Petrić

Dostavljeno:

1. Podnosiocu zahtjeva (preko web stranice Centralne izborne komisije BiH)
2. a/a